

NORÜ TAXRE GA POPERA GA

PEDRU ÜMATÜXÛ

**Pedru nüxü narümoxe ga jema
jaxôgüxü**

1 ¹Pa Chaueneëgüx, chama i Chimáü i Pedru nixi i pexçax chanaxümatüxü i nhaã popera. Rü chama rü Ngechuchu ja Cristuarü ngüxëëruü chixi, rü nüma nixi ga choxü namuxü na nüxü chixuxüçax i norü ore. Rü pexçax chanaxümatü i pema na toxrüü aixcuma pejaxôgüxü, erü tórü Tupana rü tórü Maxëxëëruü ja Ngechuchu ja Cristu rü aixcuma nimexëchi. ²Rü nhuxma na Tanatü ja Tupanaxü pecuáxü rü tórü Cori ja Ngechuchuxü pecuáxü, rü chanaxwaxe i nümagü aixcuma pemaã namecüma rü aixcuma pexü nataëëxëë.

Jaxôgüxücümagüchiga

³Rü Tupana rü noxrütama poramaã marü tüxna nanaxã ga guxüma i ngëma nacüma i mexü i inaxwaxexü na aixcuma meã naxçax imaxëxüçax. Rü jemaãcü nanaxü ga jexguma tüxü nüxü nacuxëëgu ga guma tórü Cori ja mexëchicü ga norü poramaã tüxü

idexechicü. ⁴Rü jematama norü poramaã tüxna nanaxã ga guxüma ga norü ngüxëë i mexëchixü ga inaxunetaxü na naxrüü pemexüçax rü nüxna peixigachixüçax i guxüma i chixexügü i duüxügüarü ngüchaü i chixexügagu nhama i naãnewa ngëxmaxü. ⁵Rü ngëmacax penaxwaxegü na pegü peporaexëëxü na meã pejaxôgüxü rü ngëxgumarüü ta penaxwaxegü na meã togüpexewa pemaxëxü, rü ngëxgumarüü ta penaxwaxegü na meãma nüxü pecuáxü na çacü jixü i Tupana pexü naxwaxexü. ⁶Rü ngëxgumarüü ta penaxwaxegü na meã pegümaã ipecuáxü na tama chixexügu pejixüçax. Rü ngëxgumarüü ta penaxwaxegü na jaxna pegümaã pexinüëxü. Rü ngëxgumarüü ta penaxwaxegü na aixcuma Tupanaxü pengechaügüxü. ⁷Rü ngëxgumarüü ta penaxwaxegü na pegü pengechaügüxü ja guxãma i pemax. Rü ngëxgumarüü ta penaxwaxegü na guxüma i duüxügüxü na pengechaügüxü. ⁸Rü ngëxguma aixcuma ngëma pexü chaxucyxëxüãcüma pemaxëgu, rü

tãuxûtáma notuçaxma nixĩ i perũ maxũ, rũ tãuxûtáma notuçaxma nixĩ na nũxũ pecuáxũ ja tórũ Cori ja Ngechuchu ja Cristu. ⁹Notürũ jixema tama ngẽma pexũ chaxucuxẽxũãcũma maxũxẽ, rũ nhama tangexetũxũrũũ tixĩ. Rũ nhama wũxi i duũxũ i tama nagu rũxĩnũxũ i ngẽma jixcũra tá nũxũ ngupetũxũrũũ tixĩ, erũ nũxũ itajarũngũma na nhuxãcũ Tupana tũxũ nũxũ ngechaũxũ ga tũmaãrũ pecadugũ. ¹⁰Rũ ngẽmacax, Pa Chaueneẽgũx, name nixĩ na jexeraãcũ meã Tupanacax pemaxẽxũ na ngẽmaãcũ ipenawéxũcax na aixcuma Tupanaãrũ duũxũgũ ja pexcax naçaxe rũ pexũ jadexechixe na peixĩgũxũ. Rũ ngẽxguma ngẽmaãcũ pemaxẽgu rũ tagutáma chixexũgu peji rũ tagutáma Tupanaxũ ípetax. ¹¹Rũ ngẽmaãcũ ja Tupana, rũ tá meã pexcax najawãxna i tãx na tauxchaãcũ peichocuxũcax i ngextá guxũgutáma ãẽxgacũ íjĩxũwa ja tórũ Cori ja Ngechuchu ja Cristu ja tórũ Maxẽxẽerũũ. ¹²Rũ ngẽmacax woo marũ nũxũ na pecuáxũ rũ nagu na pexĩxũ i ngẽma ore i aixcuma ixĩxũ, notürũ guxũgutáma pexna nũxũ chacuãxãchixẽẽẽcha ga jema pexũ namaã chixucuxẽxũ. ¹³Erũ nhuxma na chamaxũxũ i chamax, rũ nagu charũxĩnũ na namexũ na pexna nũxũ chacuãxãchixẽẽẽxũ i ngẽma ore i namaã pexũ chixucuxẽgũxũ, na ngẽmaãcũ pexũ changũxchaũxẽẽxũcax na meã Tupanacax pemaxẽxũ. ¹⁴Rũ pemaã nũxũ chixu i ngẽma, erũ tórũ Cori ja Ngechuchu ja Cristu choxũ nũxũ nacuãxẽẽ na paxa tá chajuxũ. ¹⁵Rũ nhama rũ ta na chamaxũxũ, rũ meã pexũ chixucuxẽgũ na ngẽxguma

chajuxguwena rũ guxũguma nũxna pecuãxãchixẽcax i ngẽma chorũ ucuxẽgũ na nhuxãcũ Tupana naxwãxexũ na pemaxẽxũ.

**Pedru rũ namũcũgũ rũ aixcuma
Cristuxũ nadaugũ ga na nhuxãcũ
namexẽchixũ**

¹⁶Rũ jexguma pexũ tangũxẽẽgu na nhuxãcũ naporaxũ ja tórũ Cori ja Ngechuchu ja Cristu rũ nhuxãcũ tá wena na nataeguxũ, rũ tama tomatama togũãẽwa tajaxuxũ i ore nixĩ. Jerũ tomatama toxtetũmaã nũxũ tadau na nhuxãcũ namexẽchixũ i nũma ja tórũ Cori. ¹⁷Rũ nũxũ tadau ga jexguma Tanatũ ja Tupana nũxũ icuãxũũgu. Rũ nũxũ taxĩnũẽ ga jexguma gumatama Tanatũ ja Tupana ja Mexẽchicũ nhaxgu:

“Daa nixĩ ja Chaune ja nũxũ
changechaũxũchicũ. Rũ chama
rũ porãcũ namaã
chataãẽxũchi”,

nhaxgu. ¹⁸Rũ aixcuma tomaxũchima nũxũ taxĩnũẽ ga jema Tupanaga ga dauxũguxũ ga naãnewa inaxũxũ, jerũ tomatama rũ tórũ Corimaã tajexmagũ nawa ga guma maxpũne ga iũnene ga jexguma jema ngupetũgu. ¹⁹Rũ jemaãcũ nũxũ tadau na aixcuma jĩixũ ga jema ore ga nuxcũmaxũgũxũ ga Tupanaãrũ orearũ uruũgũ nũxũ ixugũgũxũ. Jerũ jema nũxũ jaxugũgũxũrũũtama nixĩ ga nũxũ tadauxũ. Rũ name nixĩ i pema rũ ta aixcuma meã nagu perũxĩnũẽ i ngẽma ore, erũ wũxi i omũ i íraxetũxũ i ããnexũwa ibaxixũrũũ nixĩ. Rũ ngẽma ore rũ tá pexũ nũxũ nacuãxẽẽ i Tupanachiga nhuxmatáta ínangu ja tórũ Cori ja Ngechuchu ja Cristu ja jima

woramacuri ja ngunetüxü ngócürüü ixücü. Rü ngëxguma ínanguxgu i nüma rü aixcuma tá meã pexü nüxü nacuxãêê i guxüma i nachiga. ²⁰Notürü chanaxwaxe na guxüärü jexera nüxü pecuáxü i nhaã ore i tá pemaã nüxü chixuxü. Rü dücax, taxúema tüechamatama nüxü tacuax i tacüchiga na jíixü i Tupanaärü ore i ümatüxü, ega Tupanaãê i Üünexü tama tüxü rüngüxêêgu. ²¹Jerü taxuüma ga Tupanaärü orearü uruü rü nüechamatama nügüãêwa nanajaxu ga jema ore ga nüxü jaxugügüxü. Notürü jexguma jema orexü jaxugügügu, rü Naãê i Üünexü nixü ga jadexagüxêêxü.

**Doramaã duüxügüxü
ngüexêêxüchiga**

2 ¹Notürü nuxcüma rü najexma ta ga Tupanaärü orearü uruügüneta ixügüxü ga Judéugütanüwa. Rü ngëxgumarüü tá ta petanüwa nangëxma i duüxügü i ngxêêruügüneta ixügüxü. Rü nümagü rü tá doramaã nanaxüchicüü i Tupanaärü ore, rü ngëmaãcü tá pexü nangüexêê i ore i dora ixüxü na pexü nawomüxêêgüxüçax. Rü nümagü rü täxütáma naga naxínüechaü ja jima tórü Cori ja Ngechuchu ja Cristu ja norü Maxêêëruüchirex ixücü. Rü ngëmagagu ja Tupana rü ngürüächi tá nanapocue i ngëma duüxügü i ngëmaãcü maxêxü, rü tá inajanaxoxêê. ²Rü nümagü rü tá nüxü nixugü na tama wüxi i chixexü jíixü ega woo taxüneärü ngúchaü ixüxgu. Rü muxüma i togü i duüxügü rü tá nawe narüxü i ngëma chixexü i naxügüxüwa. Rü ngëma chixri pexü ngüexêêxügagu

rü muxüma i togü i duüxügü rü tá chixri nachiga nidexagü i Tupanaärü ore i mexü i aixcuma ixüxü. ³Rü nümagü i ngëma duüxügü i chixexü rü tá nügüna nananugüchaü i guxüma. Rü ngëmacax tá pemaã nüxü nixu i ore i chixexü ixüxü na ngëmaãcü pexü nawomüxêêgüxüçax rü pexü ngüxü najauxgüxüçax i perü díëru. Notürü tá napocue i ngëma duüxügü, rü täxütáma nibuxmü. Erü Tupana rü woetama nuxcü mama nanamexêê i ngëma pocu. ⁴Jerü ga Tupana rü tama nüxü nüxü nangechaü ga norü orearü ngeruügü ga dauxüçüçax ga pecadu ügüxü. Rü jemacax ínaxêänexüwa i ngoxogüxü ínapocuexüwa nanawogü. Rü curëtimaã najanaçüxgü na ngëma nangëxmagüxüçax nhüxmatáta nawa nangu i ngëma ngunexü i nagu Tupana nüxna çaxü i guxüma i duüxügü. ⁵Rü jexgumarüü ta ga Tupana rü tama nüxü nüxü nangechaü ga jema nuxcümaxügüxü ga duüxügü ga chixexü ügüxü. Rü jemacax mucü ga taxüchicü naxçax jéma nanamu na gumamaã nadaiäxüçax ga jema duüxügü ga chixexü ügüxü. Notürü ga Tupana rü Noéxü nadau ga na meãma duüxügüxü jaxucyxêgüxü na nüxü naxoexüçax ga norü chixexügü. Rü jemacax ga Tupana rü Noéxü namaxêê namaã ga 7 ga natanüxügü. Notürü nanadai ga guxüma ga jema togü ga duüxügü. ⁶Rü Tupana rü jexgumarüü ta inajanaxoxêê ga guma íänegü ga Chodoma rü Gomora ga poraãcü chixri duüxügü nawa maxêne. Rü ínanagu ga guma íänegü nhüxmata norü tanimacaxicatama íjaxü. Rü jemaãcü nanaxü na guma íänegü rü wüxi ga

cuaxruũ na jiĩxũcax nũxũ ga jema duũxũgũ ga chixexũ ga jemawena maxẽxũ. ⁷Notürü ga Chodomawa rü Tupana nanamaxẽẽ ga Lo ga wüxi ga jatü ga mecü ixĩcü ga poraãcü ngechaũcü ga jexguma nũxũ nadaɣgu ga nhuxãcü chixri na namaxẽxũ ga jema duũxũgũ ga natanüwa najexmaxũ. ⁸Rü guxũ ga ngunexũgu rü nüma ga Lo ga meã maxũcü rü poraãcü naãẽwa nangux ga jexguma nũxũ nadaɣgu rü nũxũ naxĩnũgu ga jema chixexũgũ ga naxũgũxũ ga jema duũxũgũ ga natanüwa najexmaxũ. ⁹Rü jema Loxũ na namaxẽẽxũrũũ ga Tupana, rü nũxũ natauxcha na tüxũ ñanguxũxẽẽxũ i ngẽxguma Chataná tüxna ñnügu ja jíxema meã maxẽxẽ. Rü ngẽxgumarũũ ta ja jíxema chixexũ ügũxe, rü nũxũ natauxcha na pocuwa tüxũ nangẽxmagũxẽẽxũ nhuxmatáta nawa nangu i ngẽma ngunexũ i nagu guxũma i duũxũgũxũ jacagũxũ. ¹⁰⁻¹¹Rü Tupana rü aixcuma tá nanapocue i ngẽma duũxũgũ i naxũneãrü ngũchaũgu ñxũ i tama naga ñnüechaũxũ ja tórü Cori. Rü ngẽma duũxũgũ rü taxúegama naxĩnüechaũ, rü nadauxcüraxũwaxegü rü nügũguxicatama narũxĩnüẽ. Rü tama namuũẽ na namaã naguxchigagũxũ i ngẽma ãẽxgacügü i dauxũcüãx i Tupanatuũwa ngẽxmagũxũ. Rü ngẽmaãcü namaxẽ i ngẽma duũxũgũ. Notürü woo Tupanaãrü orearü ngeruũgü i dauxũcüãx i ngẽma duũxũgũxũ rüjexeraxũchichirẽxũ, rü namuũẽ na ngẽmaãcü namaã naguxchigagũxũ i ngẽma ãẽxgacügü i dauxũcüãx i Tupanatuũwa ngẽxmagũxũ. ¹²⁻¹³Rü ngẽma nguxẽeruũgüneta, rü

nhama naẽxũgürũũ nixĩgü, rü naẽxũgürũũ taxuũma nacuaxgü. Rü ngẽma naxũnegü naxwaxexũ nixĩ i naxũgũxũ. Rü nabue na nhama naẽxũgü i jajauxgũxũ rü naɗaiaxũrũũ jixĩgũxũcax. Rü chixri nachiga nidexagü i ngẽma tama nũxũ nacuaxgũxũ. Notürü ngẽma chixexũ i naxũgũxũgagu tá inajarütauxe, rü ngẽmaãcü ngũxũ tá ningegü nagagu i ngẽma ngũxũ i toguãxũ jangexẽẽgũxũ. Rü nümagü rü namaã nataãẽgü i ngẽma chixexũ i ngunecütama naxũgũxũ. Rü ngẽxguma pemaã nachibüegu, rü wüxi i chixexũchixũ rü ãnexũchi nixĩgü erü ngẽma rü ta nanaxũgü i norü chixexũgü i namaã pexũ nawomüxẽẽgũchaũxũ. ¹⁴Rü ngẽma duũxũgũ rü taxuacüma wüxi ja ngeãxũ nadaugümare, notürü naãẽwa rü nagu narũxĩnüẽ na nũxũ tangũchaũxũ. Rü tama nũxũ ninguéga na pecadu naxũgüechaxũ. Rü naxcax nadaugü na nhuxãcü chixexũgu tüxũ najixẽẽxũ ja jíxema duũxẽgü ja turaearü maxũãxgũxe. Rü nũxũ nicuaxũchi na nhuxãcü ɗacü nügüna nanuãchigũxũ. Notürü Tupana rü marü namaã nanaxuegu na napocueãxũ. ¹⁵Rü ngẽma duũxũgũ rü tama nagu naxĩ i ngẽma Tupana nũxũ naxwaxexũ, rü ngẽmacax inajarütauxe. Rü nagu naxĩ ga jema chixexũ ga nagu jaxũxũ ga nuxcũmaũxũ ga Tupanaãrü orearü urũũ ga Barãũ ga Beú nane ga chixexũ üxũ na jemaãcü dĩeru ngĩxũ najaxuxũcax. ¹⁶Rü noxrütama cowaru ga woo taguma idexachirexcü, rü wüxi ga duũxũrũũ namaã ñjadexa rü inanga naxcax ga jema chixexũ ga naxũxchaũxũ. Rü jemaãcü Barãũxũ ñjachaxãchixẽẽ na tama naxũãxũcax ga jema chixexũ ga

naxüxchaüxü. ¹⁷Rü ngêma duüxügü rü taxuwama nime nhama wüxi i puchu i ngearü dexááxüürüü. Rü nhama wüxi i caixanexü i buanecü icuexüürüümare nixi na taxuwama jamexü. Notürü Tupana rü marü nanamexêe i wüxi i nachica i êanexüchixü i ngextá guxügutáma ínapocueäxüwa i ngêma duüxügü. ¹⁸Rü ngêmaäcü tá nanapocue i ngêma duüxügü, erü nügü jacuaxüügüäcúma chixri nidexagü i ore i taxuwama mexümaä. Rü tüxü nixucuxêgü na tümaxüñeärü ngúchaügu na taxüxüçax ja jíxema marü ngexwacax ngêmaxü rüxoechiréxe. ¹⁹Rü tümamaä nüxü nixu rü ngêxguma nawe tarüxíxgu rü tá tüxü ínanguxüxêe na taxuümexêwa tangêxmagüxüçax rü tümá tanaxwaxexüäcúma tamaxêxüçax. Notürü ngêma duüxügü i ngêmaäcü chixri idexagüxü, rü nümagütama rü norü chixexütüüwa nangêxmagü. Erü guxüma i duüxügü, rü ngêma nüxü rüjexeramaêxütüüwa nangêxmagü. ²⁰Rü guxáma ja jíxema marü tóru Cori ja Ngechuchu ja Cristu ja tóru Maxêxêruüxü cuaxgüxe, rü marü nawa ítanguxü i nhama i naãneärü chixexügü. Notürü ngêxguma chi wenaxäru naxçax tawoegugu i ngêma chixexü i nawa ítanguxüchiréxü, rü tümäärü me jíxügu na wena ngêma chixexütüüwa tangêxmagüxü, rü aixcuma noxriärü jexera tichixe. ²¹Erü ngêxguma chi nüxü tacuaxgüguwena nüxü tarüxoegu i ngêma ore i mexü ga noxri tajaugüxü, rü narümemae chi nixi ga noxtacúma tau chima nüxü na tacuaxgüxü i ngêma maxü i aixcuma mexü. ²²Tupanaärü ore i ümatüxüwa rü nhanagürü:

“Ngêma airu i nügü oxgüxü, rü wenaxäru naxçax nataegu i norü oxü na jaweaxüçax. Rü ngêma cuchi i norü jora meäma aijachiréxü, rü ngêxgumatama wenaxäru norü aijanexax nataegu”,

nhanagürü i ngêma orewa. Rü ngêxgumarüü nixi i ngêma duüxügü i marü Tupanaärü orexü cuaxgüchiréxü rü nhüxmachi wenaxäru naxçax woeguxü i norü chixexügü ga noxri nawa ínanguxüchiréxü.

Tóru Coriarü taeguchiga

3 ¹Pa Chaueneëgü ja Pexü Changechaügüxex, nhaä nixi i ngêma norü taxre i popera i pexçax chaxümatüxü. Rü jema nüxüraüxü ga poperawa pemaä nüxü chixuxüürüü, rü wena pexü chixucuxêgü rü pexna nüxü chacuaxächixêe na aixcuma meä Tupanaärü oregu perüxínüëxüçax. ²Rü chanaxwaxe i nüxna pecuaxächie i ngêma ore ga nuxcümaxügüxü ga Tupanaärü orearü uruügü ga ixüünexü nüxü ixugügüxü. Rü ngêxgumarüü ta chanaxwaxe i nüxna pecuaxächie i ngêma tóru Cori ja Ngechuchu ja tóru Maxêxêruüärü mugü ga pexü nangüxêxü ga norü orearü uruügü ga nüma pexütawa namugüxü. ³⁻⁴Notürü chanaxwaxe i guxüärü jexera nagu perüxínüë i nhaä ore i pemaä tá nüxü chixuxü. Rü dücax, rü ngêxguma nagüxchaügu i nhama i naãne, rü tá ínangugü i duüxügü i chixexü i nagu íxü i naxüñeärü ngúchaügü. Rü nümagü rü tá nacugüeäcúma nhanagürügü:

“Dücax, Cristu inaxuneta na wena nûma naxûégaxû. ¿Rû tacü namaã nangupetü i nhuxma na tama ínguxû? Rû marü düxwa najue ga tórü oxigü ga jaxögüxû, notürü noxri naãne üxgumama rü nanangëxgumaraüêchatama i guxûma”, nhanagürügü tá. ⁵⁻⁶Notürü ngëma duüxügü i ngëmaäcü idexagüxû rü tama nüxû nacuaxgüchaü ga jema ngupetüxû ga jexguma Tupana nhama ga naãnewa namuãgu ga guma mucü ga tacü ga ijanaxoxêécü ga guxûma ga tacü ga nhama ga naãnewa jexmaxû. Rû nuxcûmaxüchima naxüpa ga guma mucü rü woetama najexma ga nhama ga naãne rü guxûma i dauxüwa nüxû idauxü ga Tupana ngoxêêxü ga jexguma namuãgu na nangóxcax. Rû jemaäcü dexáchiiüwa nangox ga nhama ga naãne rü dexáarü ngãxütüchiiüwa najexma, jerü jemaäcü nanamu ga Tupana. ⁷Notürü ngëma nhuxma ngëxmaxü i dauxüwa nüxû idauxü rü nhama i naãne rü Tupana namaã nanguxü na jixcama üxüwa jaxaxüçax, jerü jemaäcü namaã nanaxuegu. Rû ngëma nhama i naãne rü ngëma dauxüwa nüxû idauxü, rü jima üxü ja Tupana nüxû ixuxünewa tá nixí i aixcuma ínaguãxü i ngëma ngunexü i nagu naxunetaxügu na napocueãxü rü chixexüwa nawogüãxü i ngëma duüxügü i tama naga ínüêchaüxü. ⁸Rü nhuxmax, Pa Chaueneëgü ja Pexü Changechaügüxex, tama chanaxwaxë i nüxü ipejarüngümaë na wüxitama i ngunexü rü tórü Coricax rü 1000 ja taunecürüü jixü. Rû ngëxgumarüü ta, 1000 ja taunecü rü tórü Coricax rü wüxitama i ngunexürüü jixü. ⁹Rü

nhuxre i duüxügü rü nagu narüxinië na táüxütáma paxa ínguxü ja tórü Cori jema tamaã inaxunetaxürüü. Notürü nüma ja tórü Cori rü tama nanuxcüãë na janguxêêãxü i ngëma norü uneta, notürü nüma rü tamaã jaxna naxínümare. Erü nüma rü tama nanaxwaxë na texé ijarütaxuxü, notürü nanaxwaxë na guxáma nüxü rüxoexü i tímacüma i chixexü. ¹⁰Notürü ngëma ngunexü i tórü Cori nagu ínguxü, rü taxúema nagu ínguxêêxügu tá nixí. Erü ngürüächimare tá íngangu nhama wüxi i ngítaxáxü ínguxürüü. Rû nhuxmachi guxüma i tacü i dauxügüxü i naãnewa ngëxmagüxü rü tá tagaäcü niwãixgü rü ngëmaäcü tá inajarütauxe. Rû jima üaxcü rü tawemacü rü woramacurigü rü êtagü rü tá nixae rü ngëxma tá najarüxogü. Rû ngëxgumarüü tá ta i nhama i naãne rü tá nixa namaã i guxüma i tacü i nawa ngëxmagüxü. ¹¹Rü nhuxma na ngëmaäcü tá namaã nangupetüxü i guxüma i tacü i ngëxmaxü, rü jexeraäcü penaxwaxë na aixcuma Tupanapexewa peixüünexü rü nüma nanaxwaxexüäcüma na pemaxëxü. ¹²Rü name nixí i meã ípenanguxëë i ngëma ngunexü i nagu tá ínguxü ja tórü Cori ja Tupana. ¿Rü paxa guxüwama nüxü peixu i norü ore rü aixcuma naxçax pemaxë na ngëmaäcü ípenanguxêêxüçax! Rû ngëma ngunexügu rü guxüma i dauxüwa nüxü idauxü rü tá nixa rü tá inachaxichigü. Rû nhama i naãne rü üaxcü rü tawemacü rü êtagü rü jima üxümaã tá inachaxichigü. ¹³Notürü jixema na jaxögüxü rü ítananguxëë i ngëma

ngexwacaxũxũ i dauxũguxũ i naãne rü ngexwacaxũxũ i nhama i naãne ga Tupana tamaã ixunetaxũ. Rü ngẽma rü guxũtãma name, rü jixema rü tá ta aixcuma time. ¹⁴Rü ngẽmacax, Pa Chaueneẽgü ja Pexũ Changechaũgüxex, rü nhuxma na ipenanguxẽẽxũ i ngẽma, rü name nixĩ i aixcuma meã pemaxẽ rü aixcuma pegü pengechaũgü na taxuwama nachixexũcax i perü maxũ rü aixcuma petaãẽgüxũcax i ngẽxguma wena núma naxũxgu. ¹⁵Rü name nixĩ i nüxna pecuaxãchie na jaxna tamaã naxĩnũxũ ja tórü Cori, erü nanaxwaxe na tüxũ nangẽxmaxũ i tórü maxũ i taguma gúxũ. Rü ngẽmatama pexcax chanaxümatüxürüü ta nixĩ ga pexcax naxümatüãxũ ga taeneẽ ja nüxũ ingechaũgücü ja Pauru ga jexguma Tupana naporaxẽẽãcuma pexcax naxümatüãgu. ¹⁶Rü guxũma ga norü poperawa rü nhaã pexcax chaxümatüxũchiga nanaxümatü ga Pauru. Notürü jema pexcax naxümatüxũwa rü nangẽxma i nhuxre i ore i guxchaxũ na nüxũ icuáxũ na

taçuchiga jĩixũ. Rü ngẽma duũxũgü i tama aixcuma Tupanaxũ cuaxgũxũ rü tama aixcuma jaxõgũxũ, rü nanaxüchicüügü i ngẽma ore ngẽxgumarüü na guxũma i Tupanaãrü ore i ümatüxũ naxüchicüügüxürüü. Notürü ngẽma chixexũ na naxügũxũgagu rü nügü tátama inajarütouxexẽẽ. ¹⁷Rü ngẽmacax, Pa Chaueneẽgü ja Pexũ Changechaũgüxex, rü nhuxma na nüxũ pecuáxũ i taçü tá na ngupetüxũ, rü name nixĩ i pexuãẽgü na tama pexũ nawomüxẽẽgüxũcax i ngẽma chixexũ i duũxũgü rü tama nüxũ perüxoexũcax na meã pejaxõgũxũ. ¹⁸Rü ngẽmacax, Pa Chaueneẽgüx, penaxwaxe na pegü peporaexẽẽxũ na wüxichigü i ngunexũ jexeraãcü tórü Cori ja Ngechuchu ja Cristu ja tórü Maxẽẽẽruũxũ pecuáxũcax rü jexeraãcü nüxũ peicuãetanüxũcax na nhuxãcü aixcuma pexũ nangechaũxũ. ¡Rü ngẽmacax rü guxũgutãma rü ngĩxã nüxũ ticuaxũügü! Rü ngẽmaãcü jĩixũ.

*Rü nuãma pexna,
Pedru*